



Data: 22.02.2019

Ref.: 304/19 D

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

V E N D I M

1. Tërhiqet akreditimi i programeve të studimit të Kolegjit Universum si më poshtë:
 - 1.1 Anglisht, BA, 180 ECTS.
2. Ky vendim hyn në fuqi me nënshkrimin e tij.

Arsyetimi

Këshilli Shtetëror i Cilësisë (tash e tutje KShC) me qëllim të përmbushjes së obligimeve ligjore dhe me qëllim të ngritjes së cilësisë në arsimin e lartë, me datë 11.06.2018 ka njoftuar të gjitha IAL-të se nuk do të toleroj mospërmbushje të kriterëve të cilat derivojnë nga dispozitat ligjore që rregullojnë fushën e arsimit të lartë, dhe se në secilin rast të konstatimit të mungesës së stafit akademik sipas dispozitave ligjore në fuqi, do të procedoj me tërheqje të akreditimit.

Pas deklarimit të stafit akademik të IAL-ve, AKA ka filluar me verifikimin e dokumentacionit të tyre me qëllim të konfirmimit të plotësisë apo jo të kriterëve ligjore për secilin program të studimit. Në mbledhjen e mbajtur më 15 dhe 16 janar 2019, KShC analizoj në detaje të gjithë dokumentacionin e secilit staf akademik të vendosur si bartës të programeve nga Kolegji Universum. Pasi analizoj të dhënat rreth numrit të stafit dhe fushat e studimit për secilin program të studimit, KShC vendosi si në dispozitiv të këtij vendimi.

Sipas pikës një (1) të Nenit 21, të UA për Akreditim, "AKA e rezervon të drejtën të monitorojë dhe të kontrolloj cilësinë e institucioneve të akredituara në çfarëdo kohe me paralajmërim". Sipas pikës dy (2), "AKA mund të rishqyrtoj akreditimin e dhënë në çfarëdo kohe dhe/apo më pas të tërheqë vendimin e saj për akreditim nëse kushtet e dhëna me rastin e akreditimit janë shkelur".

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: "Për programet e studimit të cilat shpiejnë deri tek marrja e një diplome shkencore

Bachelor dhe Master, kërkesat për stafin akademik janë për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

Ndërsa në Nenin 30 të Udhëzimit Administrativ për Akreditim, thuhet: *“IAL-të, duhet të dorëzojnë deklaratat e stafit akademik të angazhuar jo me larg se data 31 tetor”,* pra IAL janë të obliguara që të deklarojnë stafin akademik më së largu deri me 31 tetor 2018. Sipas pikës 3 të Nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”.*

1. Për programin e studimit: *Anglisht, BA, 180 ECTS*, si bartës të këtij programi Kolegji Universum ka paraparë këta persona: Mirian Zeneli, Majlinda Bregasi dhe Arsim Rexhepi.

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.* Ky program ka 180 ECTS, dhe rrjedhimisht sipas Nenit 26, pika 5.3.4 e Udhëzimit Administrativ për Akreditim, për këtë program të studimit Kolegji Universum, duhet të ketë të paktën tre staf akademik me gradën shkencore *PhD* me marrëdhënie të rregullt të punës nga fusha e programit të studimit.


Pas kontrollimit të dokumentacionit për stafin akademik të vendosur nga Kolegji UBT për programin e studimit, *Anglisht, BA, 180 ECTS*, është konstatuar që ky program nuk ka staf të mjaftueshëm të fushës së programit të studimit, sipas Nenit 26, pika 5.3.4 e UA për Akreditim. Mirian Zeneli është PhD në Filozofi, Fakulteti i Shkencave Sociale dhe Shëndetit, Majlinda Bregasi është PhD në Filologji, dega e Gjuhës Shqipe, dhe Arsim Rexhepi, PhD në Filozofi, Komparistikë - Gjermanistikë. Bazuar në fushën e studimit të stafit të referuar më lartë, KSHC erdhi në përfundim që asnjëri nuk i përket fushës së programit të studimit *Anglisht, BA*, andaj mori vendim si në dispozitiv të këtij vendimi. Përveç asaj që u cek më lartë, Majlinda Bregasi është tërhequr nga ky institucion, dhe nuk është më pjesë e këtij institucioni.

Bazuar në pikën dy (2) të Nenit 21 të UA për Akreditim, *“AKA mund ta rishqyrtojë akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur”.* Andaj bazuar në faktet e prezantuara më sipër dhe dispozitat ligjore të sqaruara më lartë, KSHC vendosi që në mungesë të stafit akademik për këtë program të studimit sipas pikës 5.3.4 të Nenit 26 dhe bazuar në pikën dy (2) të Nenit 21 të Udhëzimit Administrativ për Akreditim, ta tërheqë akreditimin për programin e studimit *Anglisht, BA, 180 ECTS*.

Këshillë juridike: Kundër këtij vendimi pala e pakënaqur mund të paraqesë ankesë sipas Nenit 125 dhe 126, të Ligjit për Procedurën e Përgjithshme Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerrë këtë vendim bazuar në Nenin 128 të LPPA, në afatin prej 30 ditësh nga dita kur pala është njoftuar për aktin administrativ sipas Nenit 127 të LPPA.

Vendimi u dërgohet:

- BPrAL Kolegji "Universum";
- MASHT-it;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

